



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1415. usque ad annum 1431

Fleury, Claude

August. Vind. [u.a.], 1768

VD18 90118294

§. 107. Rex Poloniæ a Papa privilegiis auctus.

[urn:nbn:de:hbz:466:1-66272](#)

ro illis solemniter obviam procedebant, hi Sæcul. XV.
 vero toto, quo Constantiæ morabantur, A. C. 1418.
 tempore plena libertate fruebantur, sacra
 sua secundum proprium ritum ac cæremo-
 nias peragendi. Verum hæc legatio
 optato successu omnino caruisse videtur.
 Raynaldus tamen Baronii continuator *Raynald.* ad
 recenset Martini V. epistolam ad Ema-^{ann. 1418. n.}
 nuelis Filios datam, in qua eis significat,^{17.}
 Græcam legationem satis benevole fuisse
 exauditam. Dupinus quoque refert, Eu-
 demonem Joannem a Papa Constantino-
 polin remissum fuisse donis auctum, una-
 cum illustris generis Virginibus, quæ Pro-
 ceribus græcis matrimonio jungerentur,
 inter quas etiam fuere Montisferratenis
 Filia Joanni Palæologo, necnon Ducis Ur-
 binatenis Filia Theodoro Emanuelis fra-
 tri in connubium sociandæ. Pontifex
 enim, ut Raynaldus ex laudata epistola
 testatur, Græcorum filiis latini ritus fœ-
 minas ducere concessit, adjecta tamen
 conditione, ut hæ ritu latino libere vive-
 rent, ac sine fidei detimento, aut Salva-
 toris contumelia S. Romanæ Ecclesiæ
 obedientiam profiteri valerent.

§. CVII.

*Rex Poloniæ a Papa privilegiis au-
 ßtus.*

Ladislaus Poloniæ Rex ob conversos
 ad

Sæcul. XV. ad Christi fidem Samogitas, & præclara
A.C. 1418. in Synodus studia, necnon ob plurimas
Raynald. hoc
ann. n. 18. suis sumptibus conditas atque dotatas
Ecclesiæ de Sacra Sede optime meritum
fese reddebat; quocirca summus Ponti-
fex omnia privilegia a suis Prædecessori-
bus Regi concessa rata habuit, editis
hanc in rem Constantiæ quarta & deci-
ma tertia Maji duabus Bullis. Insuper
Ladislao prærogativam contulit Vicarii
generalis Poloniæ ac Russiæ Polonicæ
Ecclesiarum *. Privilegia quoque Withol-
do magno Lithuaniae Duci propter eadem
merita olim concessa confirmavit, illum-
que hujus Provinciæ nominavit Vicarium
generalem, junctisque cum Imperatore
studiis, unius anni inducias præcepit Po-
lonos inter, & Ordinis Teutonici Equites,
a die vigesima Julii computandas. De-
nique imperatum Equitibus, ut in securi-
tatem pacti quatuor urbes Polonis cede-
rent, hac tamen conditione, ne easdem
munimentis firmarent, nec etiam Rex Po-
loniæ unquam sibi illarum dominium ar-
rogaret. Alia quoque Constitutione Men-
se Aprili data Martinus V. sacram mili-
tiam indixit, Christianos Principes adhor-
tatus, ut Joannem Lusitaniae Regem con-
tra Mauros, quibus jam Anno millesimo
qua-

(*) *in Bulla additum legitur: in tempora-
libus.*

quadringentesimo decimo quinto Septam Sæcul. XV.
eripuerat, subsidiariis armis juvarent. A.C. 1418.

§. CVIII.

Damnatio libri Joannis de Falckenberg dilata.

Cum interea Gnesnensis Archiepiscopus cum Imperatore Parisis ageret, ibidem seditiosum invenit librum, quem Johannes de Falckenberg Cameneciensis Dominicanus contra Regem, regnumque Poloniæ in gratiam Equitum Teutonicorum ediderat; quo circa Archiepiscopus Constantiam redux illius Auctorem ibi adhucdum commorantem carceri mancipari jussit. Ceterum libellus iste inscriptus erat ad omnes Reges, Principes, Prælatos, ac denique universim ad cunctos Christi fideles, quos ut in Polonorum ac Ladislai eorum Regis interitum conjurarent, adhortatur, spe facta, se æternæ felicitatis præmia consecuturos. Habetur in Dlugosso Polonicae Historiae Scriptore damnationis sententia auctoritate Concilii in hunc librum lata, quæ, quamvis concordi suffragio decreta fuisset, nihilominus eam in nulla Sessione publica confirmatam legimus. Certum tamen est, quod Pontifex, qui cum adhuc Cardinalis esset, eidem subscriperat, ad Equitum Prussorum preces illam irritare.

Dlugoff. de reb. Polon. l. 21. p. 576.